

Á hverju starfssvæði og við hvern verkþátt starfa margar verkeiningar eða starfsstéttir. Nauðsynlegt er að samhæfa störf þeirra og er það hlutverk verkþáttastjórana en þeir eru millistjórnendur sem stýra og samhæfa verkþætti á vettvangi í umboði **vettvangsstjóra (vettvangsstjórnar)**.

<b>Verkþáttastjórar:</b>	<b>Aðilar sem skipa verkþáttastjóra:</b>	<b>Staðsetning:</b>
<b>Björgunarstjóri</b>	<b>Að jafnaði frá slökkviliði</b>	<b>Við slysstað</b>
<b>Aðhlyningarstjóri</b>	<b>Að jafnaði lækni frá heilsugæslu eða sjúkrahúsi.</b>	<b>Við söfnunarsvæðin SSS (söfnunarsvæði slasaðra ).</b>
<b>Gæslustjóri</b>	<b>Lögreglan</b>	<b>Hreyfanlegur eftir þörfum</b>
<b>Flutningastjóri</b>	<b>Að jafnaði frá björgunarsveit</b>	<b>Hreyfanlegur eftir þörfum</b>

**Fyrstu verk allra verkþáttastjóra eru að:**

- Hafa samband við vettvangsstjórn og fá fyrirmæli.
- Fá yfirsýn yfir bjargir (mannskap og tæki) sem koma og meta hvort þær nægja.
- Skipa undirstjórnendur og útteila verkefnum.

**Björgunarstjóri** stjórnar og samhæfir starfsemi í eða við flugvélarflak, þ.á.m. slökkvistörf, björgun úr flaki, burð slasaðra frá flaki að bráðaflokkun.

Hann skal jafnframt:

- Hvenær slysstaður telst nægilega öruggur fyrir aðkomu annars björgunarfólks inn á svæðið.
- Ákveða bráðaflokkun í öruggri fjarlægð frá slysstað.
- Tryggja fjarskipti frá slysstað til vettvangsstjóra og að söfnunarsvæði slasaðra.
- Staðfesta við vettvangsstjórn fjölda þolenda í flugvélinni.
- Setja fólk í hleðslu sjúkrabíla og annarra sjúkraflutningstækja.

**Aðhlyningarstjóri** stjórnar og samhæfir starfsemi á söfnunarsvæði slasaðra . Fyrsta verk aðhlyningarstjóra er að undirbúa móttöku á þolendum frá slysstað.

Hann skal jafnframt:

- Setja upp greiningarsvæði fyrir framan söfnunarsvæði slasaðra.
- Setja fólk í skráningu við greiningarsvæði.
- Tryggir stjórnun greiningar á slysstað. Ef slysstaður er fjarri flugvelli getur söfnunarsvæði verið hvar sem aðstæður henta (á túni, útihúsi, eða hverju því skjóli sem völ er á).
- Tryggja fjarskiptasamband við slysstað.
- Ákveður forgang á flutningi slasaðra af söfnunarsvæði.
- Tryggja fjarskipti við Vettvangsstjórn.

**Gæslustjóri** stjórnar og samhæfir umferðarstjórn á vettvangi og verndun og gæslu allra starfssvæða á vettvangi.

Hann skal jafnframt:

- Setja upp innri lokun við slysstað.
- Setja upp ytri lokun til að takmarka utanaðkomandi umferð að slysstað.
- Ræða við vettvangsstjórn um þörf á umferðarstjórnun og framkvæmd hennar.
- Setja upp söfnunarsvæði látinna.
- Vernda starfssvæði, eftir því sem þess er óskað.
- Vernda vettvang þar til afhending til RNF hefur farið fram.
- Vernda áhöfn flugvélar eftir þörfum.
- Setja fólk í skráningu vegna flutninga á slösuðum frá vettvangi.

**Flutningastjóri** stjórnar og samhæfir starfsemi á móttökustað, biðsvæðum og nýtingu flutningatækja. Hann hefur umsjón með framkvæmd sjúkraflutninga frá slysstað að söfnunarsvæði og flutning þolenda frá því.

Hann skal jafnframt:

- Tryggja að móttökustaður sé starfandi og nægilega mannaður.
- Tryggja að biðsvæði séu mönnum með umsjónaraðilum.
- Ræða við vettvangsstjórn um flutningsþörf og flutningsleiðir.
- Útvega bíla í flutninga við slysstað og söfnunarsvæðin.